



25. november 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Apeqqutit Naalakkersuisunut kalaallisut ilinniarneq pillugu:**

**1. Kinassusersiunngitsumik misissorneqarnikuunerluni Oqaatsinik Ilanniarfimmi Sisimiuniittumi atuartut qassit, atuarunnaareernermik kingorna atorsinnaasumik allassinnaalersimanersut aamma/imaluunniit oqalussinnaalersimanersut?**

**1a. Taamaassimappat ukiut kingulliit qulit ingerlanerini misissuinerit inernerri piumavakka ilanngullugu kissaatigaara paasissutissat tunuliaqtaasut apeqqutima akissutaanut ilanngussatut ilanngunneqassasut.**

**1b. Misissusoqarsimanngippat kissaatigaara paassisallugu Naalakkersuisut pilersaaruteqarnersut taamaattunik kinaassusersiorneqartaqanngitsunik misissuititsileraarnersut.**

**2. Naalakkersuisut Demokraatit isumaqtiginerlugit oqaratta pingaaruteqartoq kalaallisut inunnguuseralugu oqaaseqanngitsut ilinniarnissaminnut neqeroorfigineqarsinnaasariaqartut?**

(Inatsisartunut ilaasortaq Michael Rosing, Demokraatit)

**Tunngavilersuut**

Sunaluunniit angussallugu kissaateqaraluaraanni iluaqtaasarloq paasiniarsinnaanissaa suliniutit aallartissimasat kissaatigisatut kinguneqarsimanersut. Misissuinerit kinaassusersinnaapput imaluunniit kinaassusersiunngitsusuusinnaapput.

Misissuinermi kinaassusersiornertalinni pikkorissartut aperineqartarpot ilinniarnerat qanoq issimanersoq. Misissuinerni kinaassusersiunngitsuni uuttortarneqartarpot, piginnaasassat ilumut anguneqarsimanersut.

Oqaatsinik ilinniarfimmi Sisimiuni kalaallit oqaasiinut ilinniartitsineq eqqarsaatigalugu



Demokraatini isuamqarpugut pingaaruteqartoq tigussaasunik kinaassusersiunngitsunik misissuinernik peqalernissarput paasiniarlugu maannakkut Oqaatsinik Ilanniarfimmi Sisimiuni kalaallisut ilinniartitseriaatsit neqeroorutigineqartartut qanoq pitsaatiginersut.

Oqaatsit pillugit innuttaasut Inatsisartullu oqallikkaangata paasinartarpoq isumaqartoqarpoq neqeroorutigineqartartut pikkorissarnerit atorlugit kalaallisut ilinniartoqarsinnaasoq kiisalu kalaallisut oqalussinnaannginneq eqiasunnermik imaluunniit soqutigisaqannginnermik pissuteqartoq. Nammineq misigisakka aallaavigalugit killormoorpoq. Kalaallisut oqaaseqanngitsut ilisarisimasama amerlanersaat kalaallisut ilinniarusupput, periarfissalli naammanngillat.

Kissaatigutsigu amerlanerit kalaallisut oqaluttalissasut pingaaruteqarpoq pitsaasumik ilinniartitsinissamut neqerooruteqarnissaq. Tamatumunnga atatillugu pingaaruteqarpoq uuttussallugu ilinniartitsinerit neqeroorutigineqartartut kissaatigisaq naapertorlugu angusaqarfiusarnersut.

Apeqquuit tiguneranniit akeqquneqarput ullut suliffiit naliginnaat qulit iluanni.